



NAFARROAKO PARLAMENTUKO

ALDIZKARI OFIZIALA

VIII. legegintzaldia

Iruña, 2013ko apirilaren 19a

40. ZK.

A U R K I B I D E A

A SAILA:

Foru lege proiektuak:

—Foru Legea, iruzur fiskalaren aurkako neurriei buruzkoa. Osoko Bilkurak onetsia (3. or.).

B SAILA:

Foru lege proposamenak:

—Foru Legea, Nafarroan Merkataritza arautzen duen uztailaren 12ko 17/2001 Foru Legearen zenbait artikulua aldatzen dituena. Osoko Bilkurak onetsia (16. or.).

—Foru Legea, Nafarroako Ogasun Publikoari buruzko apirilaren 4ko 13/2007 Foru Legearen 130. artikulua aldatzen duena. Osoko Bilkurak onetsia (18. or.).

—Eskubide Sozialen Gutun baterako Foru Lege proposamena. Osoko Bilkurak aintzat hartua (19. or.).

—Foru Lege proposamena, Kontseilu Ekonomiko eta Sozialari buruzko martxoaren 9ko 2/2006 Foru Legea aldatzen duena. Osoko Bilkurak aintzat hartua (19. or.).

E SAILA:

Jabeldurak, mozioak eta adierazpen politikoak:

—Erabakia. Horren bidez, Nafarroako Gobernua premiatzen da bete ditzan Hizkuntza Gutxituen Europako Adituen Batzordeak eginiko gomendioak. Osoko Bilkurak onetsia (20. or.).

—Erabakia. Horren bidez, Nafarroako Gobernua premiatzen da jarrera positiboagoa eta proaktiboagoa har dezan euskara hedabideetan sustatzeari dagokionez. Osoko Bilkurak onetsia (20. or.).

—Erabakia. Horren bidez, Nafarroako Gobernua premiatzen da bere gain har ditzan eremu ez-euskalduneko herrietan bizi diren eta Nafarroako beste herri batzuetan D eremuan eskolatuta dauden ikasleen garraio eta jantoki gastuak. Osoko Bilkurak onetsia (21. or.).

—Erabakia. Horren bidez, Nafarroako Parlamentuak Nafarroak egun sortua daukan Babes Zibilerako sistematikiko aldeketasuna adierazten du. Osoko Bilkurak onetsia (21. or.).

—Erabakia. Horren bidez, Nafarroako Parlamentuak politikoki gaitzesten du Osasuneko kontseilariaren kudeatze-lana. Osoko Bilkurak onetsia (22. or.).

- Mozioa. Horren bidez, Nafarroako Parlamentuak jotzen du Madrilgo Gobernuak Nafarroan duen ordezkartzaren beharrik ez dagoela gure erkidegoan. Osoko Bilkurak bazter utzia (22. or.).
- Mozioa. Horren bidez, Nafarroako Gobernua premiatzen da kontakizun-aldaketa batez arduratzeko konpromisoa har dezan, halako moduz non Nafarroako ikasleek beren historia ezagutu ahalko baitute 1512-1530 urteetan egiaz gertatu zena islatzen duten testu liburuen bitartez. Osoko Bilkurak bazter utzia (22. or.).
- Mozioa. Horren bidez, Nafarroako Gobernua premiatzen da atzera egin dezan Gizartetik bazterturik dauden pertsonen zuzendutako gizarteratze eta laneratze egitarauak garatzeko laguntza ekonomikoak arautzen dituen apirilaren 26ko 130/1999 Foru Dekretuaren IV. kapitulua indargabetzeko prozesuan. Mozioa erretiratzea (23. or.).
- Mozioa. Horren bidez, Nafarroako Parlamentuak Nafarroako Gobernua premiatzen du mantentzen dituzan ingelesa ikasteko bekak Bigarren Hezkuntzako eta Batxilergoko ikasleentzat. Mozioa erretiratzea (23. or.).

A saila:
FORU LEGE PROIEKTUAK

Foru Legea, iruzur fiskalaren aurkako neurriei buruzkoa.

OSOKO BILKURAK ONETSIA

Nafarroako Parlamentuak, 2013ko apirilaren 11n egindako Osoko Bilkuran, Iruzur fiskalaren aurkako neurriei buruzko Foru Legea onetsi zuen.

Legebiltzarreko Erregelamenduko 146. artikuluan ezarritakoa betez, argitara dadin agindu da.

Iruñean, 2013ko apirilaren 15ean

Lehendakaria: Alberto Catalán Higuera

Foru Legea, iruzur fiskalaren aurkako neurriei buruzkoa

ZIOEN AZALPENA

Iruzur fiskalaren aurkako borrokan gogor ekiteko, legegintzako hainbat neurri onestea du xede foru lege honek. Ez dago zalantzarik: edozein ekonomia ezkuturen aurkako borrokak, orokorrean, eta iruzur fiskalaren aurkakoak, zehazki, izan behar du zerga administrazioen jarduketa gidatuko duen argi nagusietako bat. Areago krisi ekonomikoaren une hauetan, non bereziki nabaria den diru-sarrera publikoen gutxitzea.

Iruzur fiskalak oinarrizko hiru zerga printzipioen aurka egiten du, orokortasunaren, berdintasunaren eta justiziaren aurka. Gastu publikoen sostenguan guztiek hartu behar dutela parte adierazten du orokortasunaren printzipioak. Bakoi-tzak bere gaitasun ekonomikoaren arabera ordaindu beharri lotzen zaio berdintasunaren printzipioa. Azkenik, zerga sistema baten justizia aurreko bi printzipio horien konbinazioan oinarritzen da, ekitatearekin eta progresibotasunarekin batean. Begi bistakoa da herritar eta entitate juridiko batzuek ez badituzte beren zerga betebeharrak betetzen, sistema fiskalak zuzena izateari uzten diola eta zama fiskala ez dela modu ekitatiboan banatzen.

Iruzur fiskalak kalte handia eragiten dio gizarteari; izan ere, iruzurgileek Ogasun Publikoan egiten ez dituzten ekarpenen ondorioz, gainerako herritarrek zerga gehiago ordaindu behar dituzte

edo zerbitzu publiko gutxiago jaso, baliabideak gutxitzen direlako. Gainera, ezkutuko ekonomiak eta iruzur fiskalak kalte egiten diete beren betebeharrak betetzen dituzten enpresei, bidegabeko lehia handia eragiten dietelako maiz.

Iruzur fiskalaren aurkako borrokak orokorra izan behar du, ahal diren tresna guztiak erabili behar dira eta iruzur mota guztiak jarri behar dira begira-puntuan: ohikoenak eta berriak; norberak egiten duen iruzurra eta sareen bitartez egiten dena, askotan beste delitu batzuei lotua, hala nola diru zuritzeari edo kapital-ihesari.

Foru Komunitateko Zerga Administrazioa borroka horretan buru-belarri ari bada ere, arlo horretan jaso den esperientziagatik eta iruzurgileen jokabideetan ikusi diren aldaketengatik, komenigarria da Administrazioa tresna berritzailez hornitzea, esparru guztietan izan dezaten eragina: kudeaketan, ikuskapenean, diru-bilketan eta zigor arloko jurisdikzioan Ogasun Publikoaren aurkako delituak jazartzen direnean.

Egungo krisi egoeran, baliabide publikoen gutxitzeak inoiz baino beharrezkoago egiten du iruzur fiskalaren aurkako borroka. Helburu horrekin, foru legeak hainbat neurri diseinatzen ditu, hiru asmo harturik helburu:

a) Diru-sarrera publikoak asko gutxitu dituzten iruzur mota batzuk detektatu direnez, horiei eraso egitea. Horrela, besteak beste, zerga erantzukizunarekin, hartzekodunen konkurtsoekin eta enprezen oinordetzarekin zerikusia dutenak.

b) Zerga-kreditua bermatzen duten arauak hobetzea, horiek eguneratzeko edo behar bezala interpretatzen argitzeko, segurtasun juridikoa handitzearen. Esate baterako, aldaketak preskripzio epean eta etenduran, eta enbargoetan.

c) Kautelazko neurriak hartzea Ogasunaren aurkako ustezko delituetan, bai eta erabiltzeko debekuak ere.

Foru lege honek zazpi kapitulu ditu, lau xedapen gehigarri, xedapen iragankor bat, xedapen indargabetzaile bat eta bi azken xedapen.

Lehen artikulua Tributuei buruzko Foru Lege Orokorra aldatzen du. Aldaketak era askotako gaiei buruzkoak dira. Zerga erantzukizunaren figurari dagokionez, aipagarria da erantzukizun subsidiarioaren kasu berri bat sortu dela, egitatezko edo zuzenbidezko administratzaileak ukituko dituen atxikipenen autolikidazioak edo zerga ondorioenak aurkezten dituztenean diru-sarrerarik egin gabe, behin eta berriz eta zerga betebeharra betetzeko benetako asmorik gabe. Erantzukizun kasu hori behar bezala mugatzearen definitu dira autolikidazioak behin eta berriz aurkeztearen kontzeptua, autolikidazioak diru-sarrerarik egin gabe aurkeztearena eta betebeharra betetzeko benetako asmorik ez izatearena.

Enpresa oinordetzari dagokionez, desegin eta likidatutako sozietateek bete gabe dituzten betebeharrangatik erantzunen duen likidazio kuotaren balioa handitu egiten da: likidazio kuotaren zenbatekoarekin erantzuteaz gain, bazkideek desegite dataren aurreko lau urteetan jasotakoaren mugaraino erantzunen dute, baldin eta jasotakoak betebeharrangatik erantzuteko beharko lukeen sozietatearen ondarea gutxitu badu. Hau da, enpresa desegin aurreko lau urteetan bazkideek jasotakoek ere, baldin sozietatearen ondarea gutxitu badute, erantzunen dute. Neurri horren bidez, galarazi nahi da bazkideek likidazio aurreko eragiketen bidez sozietatearen ondarea banatzea eta, hartara, likidazioaren kuota oso urria izatea edo ez izatea. Gainera, zerga betebeharren eskualdaketa modu berritzaile batean arautu da Nafarroan sozietateak eta nortasun juridikoa duten entitateak azkendu edo desegiten direnean. Likidaziorik gabeko desegitea, eskuarki, enpresa berregituratzeko kasuei buruzkoa da, hala nola bat-egiteak, zatiketak eta aktiboaren eta pasiboaren lagapen orokorrak. Kasu horietan, azkentzen diren entitateen betebeharrak beren oinordeko diren pertsona edo entitateei, edo eragiketaren onuradun direnei eskualdatuko zaizkie: sozietate bereganatzaileei edo zatiketaren onuraduneri. Aipatu behar da bete gabeko betebeharren eskualdaketa nortasun juridikoa duten entitateengan ere baduela eragina, nahiz sozietateak ez izan. Zehazten da, gainera, sozietateen eta nortasun juridikoa duten entitateen oinordekoek, bai horiek desegin eta likidatu badira, bai likidaziorik gabe desegin badira, entitate deseginaren zehapenen erantzule izanen direla, eta, kasua bada, likidazio kuotaren eta bazkideek desegite dataren aurreko lau urteetan jasotakoaren mugaraino erantzunen dutela, baldin eta jasotakoak gutxitu egin badu

sozietateak betebeharrak horiei erantzuteko zuten ondarea.

Preskripzioaren arloan, bi berrikuntza garrantzitsu daude. Alde batetik, preskripzioa kontatzeko arauak erantzukizun kasuetara egokitu dira. Zehazki, preskripzio epearen hasiera zehazten da erantzule solidario eta subsidiarioen kasuan. Erantzule solidarioen kasuan: zordun nagusiaren borondatezko ordainketa epea bukatzen denetik hasiko da kontatzen. Erantzule subsidiarioen kasuan: zordun nagusiari edo edozein erantzule solidario egindako azken diru-bilketa jakinarazten zaionetik. Bestetik, berrikuntza hauek egin dira preskripzioaren etenduraren esparruan:

– Administrazioak zerga-betebeharraren elementu guztietara edo batzuetara zuzendutako akzioak eteten du preskripzioa. Hau da, zerga betebeharraren elementu baten preskripzioa etenik, betebeharraren preskripzioa eteten da.

– Eta hori, nahiz eta hasieran Administrazioaren jarduna beste zerga-betebeharrak batera zuzendu subjektu pasiboaren aitortzen okerraren ondorioz. Hau da arrazoia: tributudunak okerreko zerga aitortpena egin izanaren ondorioz, Administrazioak betebeharraren preskripzioa eten eta, gero, zerga betebeharra beste bat zela frogatuz gero, azken horren preskripzioa ere eten egiten da.

– Preskripzioa beste bi kasutan etenen da: zordunaren konkurtsoa deklaratzeko denean eta zerga zorra kobratzeko akzio zibilak edo penalak erabiltzen direnean.

– Preskripzio epea tributudun batentzat etendakoan, etenduraren eragina gainerako tributudunen zatitza ere bada, erantzuleak barne.

– Auzi, konkurtso edo legezko beste arrazoi batzuegatik zordun nagusiarentzat edo erantzule-etako batentzat preskripzio epea etenez gero, gainerako tributudun solidarioentzat ere etenen da, erantzuleak beste batzuk izan edo zordun nagusia bera izan. Preskripzioa eten izanak ez du galarazten bidezko kobrantza akzioek aurrera jarraitzea.

Kautelazko neurrien birmoldatze garrantzitsua ere egin da.

Hauek dira berrikuntza nagusiak:

a) Kautelazko neurri berriak hartu dira, hala nola, ondasun edo eskubideak besterendu, kargatu edo erabiltzeko debekua, eta portzentaje baten atxikipena, enpresek kontratistei eta azpikontratistei ordainduz gero.

b) Zilegi da kautelazko neurriak hartzea prozeduraren edozein unetan: Administrazioak, arrazoi-etan oinarrituta, behar adina frogatzen duenean

aginduan adierazitako kasuak eta mugak gertatu direla (zerga kreditua ez ordaintzeko arrazoizko zantzuak, proportzionaltasuna, hertsiki beharrezkoa den zenbatekoa, edo konpontzeko zailak edo konponezinak diren kalteak sortzerik gabe).

c) Ogasun Publikoaren aurkako delituagatik prozesu judiziala abiatuta ere, Zerga Administrazio-oko organo eskudunak kautelazko neurriak hartzen ahalko ditu. Kasu horretan, neurria jakinaraziko zaie interesdunari, Fiskaltzari eta organo judizial eskudunari.

Enbargoen esparruan, bi aldaketa garrantzitsu egin dira. Lehenik, kreditu entitateetako ondasun eta eskubideen enbargo-eginbidean identifikatu gabeko beste ondasun eta eskubide batzuetara zabaltzen ahalko da, kreditu entitatean gordailututa badaude eta ez, orain arte gertatzen zen moduan, enbargo agindua igorri zeneko bulegoan edo sukurtsalean bakarrik.

Bigarrenik, neurri egitan berritzailea ezarri da. Akzioak edo partaidetzak enbargatuta dituzten sozietateen ondasun higiezinak baliatzeko debekua ezartzen ahalko du Zerga Administrazioak. Horrela egin ahal izateko, akzio edo partaidetzen titularrak den tributudunak sozietatearen kontrol efektiboa izan behar du.

Bestalde, Zerga Administrazioaren eskumenak areagotu egiten dira delitu fiskalagatik prozesuetan. Delituaren instrukzioa jurisdikzio penalera iraganik ere, Nafarroako Zerga Ogasuneko diru-bilketaren organoek, agintari judizialak gainbegiratura, eskumena izanen dute delituari atxikitako dirukopuruak ordaintzeko izan litekeen ondarea ikeritzeko. Organo horiek delituarekin zerikusia duten pertsonen ondare egoerari buruzko txostenak egin ahalko dituzte, eta kautelazko neurriak hartu.

Atzerrian dauden ondasun eta eskubideen gainean informatzeko betebeharrak barnean hartuko ditu higiezinak nahiz horien gaineko eskubideak.

Bigarren artikulua 4. idatz-zatia erantsi dio Nafarroako Foru Komunitateko Diru-bilketaren Erregelamenduaren 48. artikuluari, eta zehazten du tributuduna konkurtsoan izanez gero, masaren aurkako kreditutzat jotzen diren zerga zorrak ezin izanen direla geroratu. Neurri horren bidez, tributuen ordainketa atzeratzeko jokabideak moztu nahi dira hartzekodunen konkurtsoetan.

Hirugarren artikulua beste idazketa bat ematen dio Pertsona Fisikoen Errentaren gaineko Zergari buruzko Foru Legearen Testu Bategineko 44. artikuluari. Artikulu horrek justifikatu gabeko ondare gehikuntzaren figura arautzen du. Aldaketak hirugarren lerrokada izanen dena eransten du, zein

narekin xedatzen dena baita atzerrian diren ondasun eta eskubideak ez badira epe barrenean aitortu Tributuei buruzko Foru Lege Orokorraren hemezortzigarren xedapen gehigarriak aipatzen duen aitorten informatiboan, justifikatu gabeko ondare gehikuntzat hartuko direla betiere. "Betiere" horrek zorrotz xedatu nahi du subjektu pasiboari ez zaiola onartuko aitortu gabeko ondasun horiek preskribatuta dauden zergaldietan bereak zituela frogatzea. Horrela, zeharka, aginduak *iuris et de iure* presuntzioa ezartzen du aitortu gabeko ondasun horien gainean, halako moduan non justifikatu gabeko ondare gehikuntza gisa konputatuko baitira beti, eta subjektu pasiboak aurkez dezakeen frogak ezin izanen du presuntzio hori ahuldu. Gainera, agindua ezartzen du, erregularizatu daitekeen preskribatu gabeko zergaldi zaharreneko likidazio oinarri orokorrean sartzeko.

Laugarren artikulua 5. idatz-zatia erantsi dio Sozietateen gaineko Zergari buruzko abenduaren 30eko 24/1996 Foru Legearen 9. artikuluari. Aginduaren ratioa pertsona fisikoen errentaren gaineko zergaren kasukoa bera da. Betiere, pertsona juridikoen ondasun eta eskubideak, atzerrian izan eta ez badira epe barrenean aitortu aipaturiko aitorten informatiboan, aitortu gabeko errenten kargura eskuratu direla ulertuko da. *iuris et de iure* presuntzioa ezartzen da aitortu gabeko ondasun horien gainean, halako moduan non aitortu gabeko errenten kargura eskuratu direla ulertuko baita beti, eta subjektu pasiboak aurkez dezakeen frogak ezin izanen du presuntzio hori desegin.

Bosgarren artikulua puntualki aldatzen du Fundazioen eta Babes Jardueren Tributu Araubidea erregulatzen duen uztailaren 2ko 10/1996 Foru Legea. Eta hori, Ekonomia, Ogasun, Industria eta Enpleguko kontseilariari gaikuntza emateko asmoz, prozedura informatiko egokiak arautu ditzan, fundazioek behar bezala bete ditzaten aurrekontu eta finantza arloko informazioa emateko duten betebeharra, legez behartuta baitaude, eta Zerga Administrazioak jarraipen eta kontrol hobe egin ahal dakizkien.

Azkenik, foru lege honek jasotzen du iruzurraren aurka borrokatzeko lan batzorde iraunkor bat eratuko dela, Nafarroako Gobernuak, parlamentaltaldeek, sindikatuek, bazterketarik gabe, eta beste entitate sozioekonomiko batzuek osatua, eta haren xedea izanen da arlo horretako jarduketak aztertzea, proposamenak egitea eta iruzur fiskalaren aurka borroka egiteko diseinatzen diren jarduketak planak eta neurriak aztertu eta horien jarraipena egitea.

Halaber, zenbait xedapen gehigarritan jarduketa-konpromiso desberdinak zehazten dira, iruzurra

pertsegitzeko eta ezkutuko ekonomiaren adierazlea murrizteko helburuak lortzeko tresnak abian jartze aldera.

Lehenengo artikulua. Tributuei buruzko Foru Lege Orokorra.

Foru lege honek indarra hartzen duenetik aurrerako ondorioekin, jarraian ematen diren Tributuei buruzko abenduaren 14ko 13/2000 Foru Lege Orokorreko aginduek honelako testua izanen dute:

Bat. 9.1.b) artikulua.

“b) Eskubidea du itzul dakizkion zuzenez kontra egindako diru sarrerak eta ofizioz tokatzen direnak, eta orduan foru lege honetako 50.2.c) artikulua aurreikusten duen berandutza interesa paga dakion, hartarako errekerimendurik egin gabe ere.

59. artikuluan xedatutakoa gorabehera, Nafarroako Zerga Ogasunak ordainketa atzeratu egiten du, baldin eta subjektu pasiboak ez baditu bere tributu-betebeharrak egunean; hain zuzen ere, betebeharrak horiek bete arte atzeratuko du ordainketa.

Itzulketa horiei dagokienez, subjektu pasiboak Nafarroako Foru Ogasunarekiko bere tributu-betebeharrak egunean ez dituen epeetan, ez da berandutza-interesik sortuko. Era berean, prozeduran subjektu pasiboari egotz dakizkiokeen gainarako atzerapen guztiak ez dira kontuan hartuko sortutako berandutza-interesen epea kontatzeko orduan”.

Bj. 29.3. artikulua.

“3. Foru lege honen 30. artikuluko 4. idatz-zatian xedatutakoa izan ezik, zordunak borondatezko ordainketa egiteko aldiari daukan zerga-zor osoraino iritsiko da erantzukizuna.

Borondatezko ordainketa egiteko epea iragan, eta erantzuleak diru-sarrerarik egin ez badu, ordainarazpen aldia hasiko da, eta zorra premiamendu bidez eskatuko da, bidezkoak diren errekaru eta interesekin batera.

Erantzukizunak ez ditu zehapenak hartuko, foru lege honetan edo beste batean ezartzen diren salbuespenekin.

Erantzukizunak zehapenak ere hartzen dituen kasuetan, zordun nagusiak eskubidea izan badu 71.3 artikuluan aurreikusitako murrizketarako, zor deribatua izanen da zordun nagusiari zegokiona baina balizko murrizketa aplikatu gabe, eta adostasuna emanen zaio erantzuleari erantzukizun-deklarazioaren proposamenarekin.

Adostasunagatik murrizketa aipatu 71.3 artikuluan aurreikusitakoa izanen da. Erantzuleak lor-

tutako murrizketa besterik gabe eskatuko zaio edozein erreklamazio edo errekurso aurkeztuz gero erantzukizun-deklarazioaren akordioaren aurka, deribazioaren bidezkoatasunean edo likidazio deribatuetan oinarrituta.

Idatz-zati honetan aurreikusitako murrizketa ez zaie aplikatuko 30.4 artikuluan zorrak ordaintzeko aipatu erantzukizun kasuei”.

Hiru. 29.4 artikuluko azken lerroa.

“Dena dela, 30.4 artikuluan ezarritako kasuetan, ezin izanen dira aurrekontu horrek hartzen dituen likidazioak aurkatu, erantzukizunaren zenbateko osoa baizik. Orobat, aipatu artikuluan aurreikusitako kasuetan, ez da 70.6 artikuluan xedatutakoa aplikatuko, ateratzen den zenbateko deribatua zorretatik edo tributu zehapenetatik etorri.”

Lau. 30.4. artikuluar e) letra gehitzea.

“e) Balio erantsiaren gaineko zergaren subjektu pasiboak ordaindu beharreko tributu-zorren erantzule solidarioak izanen dira zerga-jasanarazpen egokia saihesten duten operazioen hartzaileak, baldin eta saiheste horretan egite edo ez-egite erruzko nahiz dolozkoa izan badute”.

Bost. 32. artikuluar 5. idatz-zatia gehitzea.

“5. Langile, profesional edo beste enpresaburu batzuei atxiki beharreko kopuruen edo jasanarazi beharreko tributuen ondoriozko tributu-zorren erantzule subsidiarioak izanen dira zor horiek aitortzera eta diru-sarrera egitera behartutako pertsona juridikoen egitatezko edo zuzenbidezko administratzaileak, jardueraren jarraipena izanik, tributu kontzeptu horiengatik diru-sarrera gabeko autolikidazioak behin eta berriz aurkezten direnean eta egiaztatzen ahal denean aurkezpen horrek ez duela benetako asmorik autolikidazioaren xedeko zerga betebeharra betetzeko.

Autolikidazioak behin eta berriz aurkeztu direla ulertuko da baldin eta, urte natural berean, elkarren segidan edo ez, aurkeztu behar direnen erdiak edo gehiago diru-sarrerarik gabe aurkezten badira, geroratzeko edo zatikatze eskaera egin edo ez, eta aurkezpena epe barrenean edo epetik kanpo egin izan.

Ondorio horietarako, luzatzeko edo zatikatze eskaera eginik, baimen hori emateko ebazpena duten autolikidazioak ez dira konputatuko, non ez diren gero bete gabe uzten, ez-betetzea noiznahi gertatzen dela ere, eta behar bezala formalizatutako bermearekin eman direnak ez dira inoiz konputatuko.

Erantzukizun honen ondorioetarako, autolikidazioak diru-sarrerarik egin gabe aurkeztutzat joko

dira bigarren idatz-zatian aipatu urte naturaleko diru-sarreretatik guztira ateratzen den zenbatekoa ez denean sartu beharreko kuota autolikidatuaren guztirakoaren ehuneko 50 baino handiagoa, nahiz diru-sarrera partzialak izan aurkeztu diren autolikidazio guztietan edo batzuetan.

Lehen lerrokadan aipaturiko betebeharrak betetzeko benetako asmorik ez dagoelako presuntzioa egonen da kasu honetan: hirugarrenen titulartasuneko kredituak ordaindu badira, zeinen mugaeguna geroagokoa baita xedapen honetan ezarritako erantzukizunak bere barrenean hartzen dituzen zerga betebeharrak sorrarazi edo exijitzeko modukoak gertatu ziren eguna baino, eta zeinek lehentasunik ez baitute azken zerga-betebehar horien ondoriozko zerga-kredituen aldean.

Sei. 33.2. artikulua.

“2. Desegin eta likidatutako sozietateen edo entitateen kasuan, bete gabe dituzten zerga betebeharrak bazkideei edo kapitaleko partaideei eskualdatuko zaizkie, zeinak haien erantzule solidario izanen baitira, esleitu zaien likidazio kuotaren eta desegin aurreko lau urteetan ondareagatik jaso duten eta horrenbestez betebehar horien erantzule izan beharko lukeen sozietate-ondarea gutxitu duen balioaren mugaraino, 30.4.a) artikuluan aurreikusitakoa galarazi gabe.”

Zazpi. 33. artikuluar 3. idatz-zatia gehitzea.

“3. Sozietateak eta nortasun juridikoa duten entitateak likidaziorik gabe desegin edo azkentzen diren kasuetan, bete gabeko zerga betebeharrak beren oinordeko pertsona edo entitateei eskualdatuko zaizkie edo eragiketaren onuradun direnei. Nortasun juridikoa duen entitate eta sozietate baten aktiboaren eta pasiboaren lagapen orokorreko edozein kasutan ere aplikatuko da arau hori.”

Zortzi. 33. artikuluar 4. idatz-zatia gehitzea.

“4. Artikulu honetako 2. eta 3. idatz-zatietan aipatu sozietate eta entitateek egindako arau-hausteengatik izan daitezkeen zehapenak beren oinordekoei eskatzen ahalko zaizkie, idatz-zati horietan ezarritako moduan eta, zein den kasua, 2. idatz-zatian xedatutakoaren arabera zehaztutako balioaren mugaraino.”

Bederatzi. 56. artikuluar 2. idatz-zatia gehitzea.

56. artikuluararen gaur egungo edukia 1. idatz-zatia izanen da.

“2. Zordun nagusiak borondatezko aldiaren ordaintzeko epea bukatu eta biharamunean hasiko da kontaktzen erantzule solidarioei ordaintzeko betebeharra eskatzeko preskripzio epea.

Dena dela, erantzukizuna osatzen duten egintzak aurreko lerrokadan finkatutako epe ondotik gertatuz gero, egintza horiek gertatzen direnean hasiko da preskripzio epea.

Erantzule subsidiarioen kasuan, zordun nagusiari edo edozein erantzule solidarioari egindako azken diru-bilketa jakinarazten zaionetik hasiko da preskripzio epea kontaktzen.”

Hamar. 57.1. artikulua.

“1. 55. artikuluko a), b) eta c) letretan aipatu preskripzio epeak kasu hauetan etenen dira:

a) Tributudunak ezagutza formala duela, Zerga Administrazioaren edozein egintza dela medio, zerga betebeharraren elementu guztiak edo batzuk ezagutu, erregularizatu, ikuskatu, aseguratu, egiaztatu, likidatu eta diru-bilketa egiteko bada, nahiz egintza, hasieran, beste zerga betebehar baterako izan, tributudunaren okerreko aitortpenaren ondorioz.

Orobat, lehen aipatu jarduketek ez ezik, zehapen prozedura hasteak ere etenen ditu zehapenak ezartzeko preskripzio epeak.

b) Edozein eratako erreklamazio edo errekurtsioak aurkeztuta; erreklamazio edo errekurtsio horietan, tributudunak ezagutza formala duela, jarduketak eginda; zordunaren konkurtsoa deklaratu; zerga zorra kobratzera bideratutako egintza zibil edo penalak erabilia; erruduntasun-testigantza jurisdikzio penalera igorrita edo salaketa Fiskaltzan aurkeztuta; baita administrazio prozedura geldiarazteko agintzen duen organo jurisdikzional baten komunikazioa jasota ere.

c) Tributudunak zorra ordaindu, likidatu edo autolikidatzera bideratutako edozein jarduketa dela medio.”

Hamaika. 57. artikuluar 3. idatz-zatia gehitzea.

“3. Administrazioarekiko auzien jurisdikzioaren errekurtsioa aurkeztuta, egintza zibil edo penalak erabilia, erruduntasun-testigantza jurisdikzio eskudunera igorrita edo salaketa Fiskaltzan aurkeztuta edo prozedura geldiarazten duen komunikazio judiziala jasota eteten denean preskripzio epea, Administrazioak prozesu judiziala bukatzen duen edo geldialdia kentzen duen ebazpen irmoaren jakinarazpena jasotzen duenean hasiko da berriro preskripzio epearen kontaketa, edo espediente itzultzen duen Fiskaltzaren jakinarazpena jasotzen denean.

Preskripzio epea zordunaren konkurtso deklarazioagatik etenez gero, konkurtsoa amaitzeko ebazpen judiziala irmo bihurtzen denean hasiko da berriro kontaketa. Hitzarmen bat onetsi bada,

onesten den unean hasiko da berriro preskripzio epea, haren menpe ez dauden tributu-zorrentzat. Konkurtso hitzarmenaren menpeko zerga zorrei dagokienez, zordunari eskatzen ahal zaizkionean hasiko da berriro preskripzio epearen kontaketa.

Idatz-zati honetan xedatutakoa ez zaio aplikatu Zerga Administrazioak ordainketa eskatzeko duen eskubidearen preskripzio epeari, etendura administrazioarekiko auzibidean erabaki ez bada.”

Hamabi. 57. artikuluari 4. idatz-zatia gehitzea.

“4. Tributudunaren preskripzio epea etendakotan, etenduraren eragina gainerako tributudunentzat ere izanen da, erantzuleak barne. Dena dela, betebeharra mankomunatua bada eta tributudunetako bati baino ez bazaio dagokion zatia erreklamatzeko, epea ez zaie gainerakoei etenen.

Ordaintzera behartutako baten kargurako zor likidatu bat baino gehiago izatera, zeri buruzko zorra den, haren preskripzioa bakarrik etenen da.

Zordun nagusiari edo erantzuleetako bati buruz auzia, konkurtsoa edo legezko beste edozein arrazoi dela-eta, 55.b) artikuluko preskripzio epea etenez gero, eragin bera izanen du solidarioki ordaintzera behartutako gainerako subjektuentzat, erantzuleak beste batzuk edo zordun nagusia izan, bidezko kobrantza egintzek jarrai dezaten galarazi gabe.”

Hamahiru. 70.6. artikulua.

“6. Zerga zehapenen betearazpena besterik gabe etengo da, bermea aurkeztu beharrik gabe, zehapenen aurka bidezkoa den errekurtsioa edo administrazio erreklamazioa garaiz eta behar bezala aurkeztuta, eta ez dira betearaziko administrazio bidean irmo bihurtu arte.

Idatz-zati honetan xedatutakoa erantzukizun deribatua duten zerga zehapenak eteteko aplikatu da, bai subjektu arau-hausleak zehapena errekurritzen duenean, bai, 29.4 artikuluan xedatutakoa erabilia, erantzuleak errekurritzen duenean zehapena. Agindu hau dela-eta, ez da inoiz besterik gabe etenen deribatutako zerga zorra.

30.4 artikuluan aurreikusitako zorrak ordaintzeko erantzukizunak ere ez dira etenen agindu honen arabera.”

Hamalau. 71.1.b) artikulua.

“b) Zerga Administrazioaren jarduketei gogor edo uko egitea nahiz aitzakiak bilatzea, edo haren ikerlanari oztopoak jartzea.

Inguruabar hori gertatzen bada arau-hauste larri bat egin denean, portzentajea ehuneko 20tik ehuneko 60ra bitartean handituko da.

Inguruabar hori gertatzen bada arau-hauste soil bat egin denean, zehapenaren zenbateko handituko da gehieneko zenbatekoaren ehuneko 20tik ehuneko 40ra bitartean.”

Hamabost. 72. artikuluari 8. idatz-zatia gehitzea.

“8. Artikulu honetan aurreikusitako zehapen bakoitzaren zenbatekoa, behin irizpide graduatzaileak hala behar baldin bada aplikatuta, ez da inoiz 200 euro baino gutxiagokoa izanen, nahiz eta egon daitezkeen kasuak zeinetarako kopuru hori baino handiagoak diren gutxieneko zenbatekoak ezartzen direneko kasuak ezertan galarazi gabe.”

Hamasei. 88. artikulua.

“88. artikulua. Ofiziozko itzulketak.

Zerga Administrazioak ofizioz itzuliko ditu bidezko diren zenbatekoak, kontuan hartuta zer aurreikusten duten pertsona fisikoen errentaren gaineko zergaren araudi berariazkoak, sozietateen gaineko zergarenak eta balio erantsiaren gaineko zergarenak. Iragan baldin bada tributu bakoitzaren araudian ezarritako epea, eta, edozein kasutan, sei hilabeteko epea, eta, Zerga Administrazioari egoztekoa den motibo bat tarteko, ez bada agindu itzuli beharrekoa pagatzea, zergadunak eskubidea izanen du 50.2.c) artikuluan araututako berandutza interesa kobratzeko, horretarako errekerimendurik egin beharrik gabe. Horri dagokionez, interes hori sortuko da Zerga Administrazioak behin-behineko likidazioa egiteko duen epea bukatzen denean dagokion itzulketa pagatzea agintzen den egunera arte.

59. artikuluan xedatutakoa gorabehera, Nafarroako Zerga Ogasunak ordainketa atzeratu eginen du, baldin eta subjektu pasiboak ez baditu bere tributu-betebeharrak egunean; hain zuzen ere, betebeharrak horiek bete arte atzeratuko du ordainketa.

Ez da berandutza-interesik sortuko subjektu pasiboak Nafarroako Zerga Ogasunarekiko betebeharrak egunean eduki ez dituen epeetan. Era berean, ordainketa-prozeduran subjektu pasiboari egotz dakizkiokeen gainerako atzerapen guztiak ez dira kontuan hartuko berandutza-interesen sortzapen-epea kontatzeko orduan.”

Hamazazpi. 118. artikulua.

“118. artikulua. Kautelazko neurriak.

1. Diru-bilketarako eskuduna izanik, zorren kobrantza segurtatzeko, Administrazioak behin-behineko kautelazko neurriak hartu beharko ditu honako honen arrazoizko zantzuak daudenean:

hala egin ezean kobrantza ezinezkoa izan litekeela edo kobratzeko zailtasun larriak leudekeela.

Kautelazko neurria behar bezala jakinarazi beharko zaio ukituari, haren aplikazioa justifikatzen duten arrazoiak espres aipatuta.

2. Neurriek galarazi nahi den kaltearen proportziokoak izan beharko dute, eta zorraren kobrantza segurtatzeko doi behar den zenbatekoa izanen dute. Konpontzea zaila edo ezinezkoa den kaltea eraginen luketenak ez dira inoiz hartuko.

3. Kautelazko neurri hauek hartzen ahalko dira:

a) Zerga itzulketen ordainketa edo Foru Komunitateak egin beharreko beste ordainketa batzuk atxikitzea. Zerga itzulketa osorik edo zati bat kautelaz atxikitzeko, interesdunari jakinarazi beharko zaio itzulketaren erabakiarekin batera.

b) Ondasun eta eskubideen prebentziozko enbargoa; halakorik bada, aurreneurritzko idatzoharra eginen da.

c) Ondasun edo eskubideak besterendu, kargatu edo erabiltzeko debekua.

d) Beren jarduera nagusiari dagozkion obren exekuzioa edo zerbitzuak ematea kontratatu edo azpikontratatzeko duten enpresek kontratistei edo azpikontratistei egindako ordainketen portzentaje bat atxikitzea, langileei, profesionalei edo beste enpresaburu batzuei atxiki beharreko zenbatekoei edo jasanarazi beharreko tributuei dagozkien zerga betebeharrak bermatzeko, kontratazioaren edo azpikontratazioaren xedeko obrei edo zerbitzuei dagokien zatian.

e) Legez aurreikusita den beste edozein.

4. Kudeaketa, ikuskapen eta diru-bilketaren prozedurak tramitatzen direnean hartzen ahalko dira artikuluko honetan araututako kautelazko neurriak, Zerga Administrazioak arrazoibidez eta behar adina egiaztatzen ahal duenetik 1. idatz-zatian ezarritako kasuak direla eta 2. idatz-zatian adierazitako mugak betetzen direla.

5. Kautelazko neurriek, hartu eta sei hilabeteko epean, ez dute ondoriorik izanen, salbu eta kasu hauetan:

a) Enbargo bihurtzen direnean premiamendu prozeduran edo kautelazko neurri judizialean, kautelazko neurria hartzen den egunetik izanen baitute eragina.

b) Neurriak hartzeraren eraman zuten inguruabarrak desagertzen direnean.

c) Interesdunak eskatuta, nahikotzat jotzen den beste berme batek ordeztzen duenean.

Beti ere, kautelazko neurriak kendu egin beharko dira tributudunak kreditu entitate baten edo elkarrenganako bermedun sozietate baten abal solidarioa edo kauzio-asegurua ziurtagiria aurkeztuta, kautelazko neurriaren zenbatekoa kobratuko dela bermatzeko. Tributudunak borondatezko epean ordaintzen badu zerga betebeharra (hori betetzeko zen kautelazko neurria) diru-sarreraren etendurarik gabe, aurkeztutako abalaren gastuak ordaindu beharko ditu Zerga Administrazioak.

d) Arrazoitutako erabaki baten bidez epe hori luzatzen denean, baina ez sei hilabete baino gehiago.

6. Diruaren eta salgaien prebentziozko enbargoa erabakitzen ahalko da, eta establezimendurik gabe egindako irabazizko jarduera aitortu gabeengatik eskatu beharreko zerga zorra ordainduko dela segurtatzeko adinakoa izanen da. Orobat, Zerga Administrazioari aurretik aitortu gabeko ikuskizun publikoetako diru-sarreraren prebentziozko enbargoa erabakitzen ahalko da.

7. Egiaztatzeko edo ikertzeko ikuskatze prozedura bat dela-eta, salaketa edo kereila jarri denean Ogasun Publikoaren aurkako delituagatik edo, delitu horrengatik, prozesu judiziala bideratu denean, Zerga Administrazioeko organo eskudunak artikuluko honetan araututako kautelazko neurriak hartzen ahalko ditu, hamazazpigarren xedapen gehigarrian xedatutakoa galarazi gabe.

Ustekozko delituaren ikerketa ez bada egiaztatzeko edo ikertzeko ikuskatze prozedura batetik sortu, Fiskaltzak gauzatutako ikerketa eginbideak hasi ondoren hartzen ahalko ditu Zerga Administrazioeko organo eskudunak kautelazko neurriak edo, zigor arloko eginbideak hasi ondoren, halakorik bada.

Aurreko lerroketan aipatu kasuetan, salaketan edo kereilan Zigor Kodearen 126. artikuluan aipatzen diren zenbatekoen ordainketaren balizko erantzule zuzeneko edo subsidiario gisa identifikatutako edozein subjektuaren aurka bideratzen ahalko dira kautelazko neurriak.

Zerga Administrazioeko organo eskudunak kautelazko neurria harturik, interesdunari, Fiskaltzari eta organo judizial eskudunari jakinaraziko zaie, eta hari eutsiko zaio azken horrek bidezko erabakia hartu arte, hura neurri juridikzional bihurtu edo kendu."

Hemezortzi. 122.1. artikulua.

"1. Zerga Administrazioak dakienean kreditu entitate baten bulego jakin baten edo beste pertsona edo entitate gordailuzain baten esku utzitako funtsak, baloreak edo bestelako ondasunak egon

badaudela, horien enbargoa xedatzen ahalko du, bidezko den zenbatekoan, pertsona edo entitate horren identifikazio datuak eta kontu, gordailu edo eragiketa bakoitzaren egoera zehaztu beharrik gabe. Baloreak direnean, pertsona edo entitate gordailuzainak enbargoaren unean emandako informazioaren arabera balore horiek homogeneousak ez badira edo beren balioa aurreko artikulua 1. idatz-zatian adierazitako zenbatekoa baino handiagoa bada, oztopatuta gelditu behar direnak zehaztuko ditu diru-bilketaren organoak”

Hemeretzi. 124. artikuluar 5. idatz-zatia gehitzea.

“5. Zerga Administrazioak sozietate baten ondasun higigarriak eta higiezinak erabiltzeko debekua erabakitzen ahalko du, diru-bilketaren prozedurak haren aurka egin beharrik gabe, tributudunari haren akzioak edo partaidetzak enbargatu zaizkionean eta hark duenean ondasun higigarri eta higiezin horien sozietate titularraren gaineko kontrol efektiboa, erabatekoa edo partziala, zuzena edo zeharkakoa, Merkataritza Kodearen 42. artikuluan aurreikusitako moduan eta nahiz beharrik ez egon kontu bateratuak egitera. Erabiltzeko debekuaren aurreneurritzko idatzoharra egiten ahalko da jabetza erregistro eskudunean finkentzat irekitako orrian, dagokion aginduaren ondorioz, non erregistroko titularrak ez den beste baten aurkako kautelazko neurriaren balioa justifikatuko baita kontrol zerrenda izateagatik; aginduan berean zehaztuko da horren arrazoia.

Erabiltzeko debekuaren aurkako errekursoaren oinarria neurri hori hartzeko egitatezko arrazoi-etako baten falta bakarrik izaten ahal da.

Neurria kenduko da tributudunaren partaide-tzen edo akzioen enbargoa azkentzen denean, edozein arrazoi dela-eta. Orobat, Zerga Administrazioak erabiltzeko debekua kentzea erabakitzen ahalko du, hari eusteak konpontzeko zailak edo konponezinak diren kalteak, sozietateak behar bezala frogatuak, eragin ditzakeenean edo, interesdunak eskatuta, nahikotzat jotzen den beste berme batekin neurria ordeztzen denean”

Hogei. 142.1. artikulua.

“1. Tributudunek eta beren oinordekoek edo kausadunek eskubidea izanen dute Foru Komunitatearen Diruzaintzan egindako diru-sarrera ez bidezkoak (zerga-zorrak ordaintzean) itzultzeko, eta 50.2.c) artikuluan araututako berandutza interesa aplikatuko da. Inoiz ere ez da itzuliko 66.7 artikuluan aurreikusitako kasuetan erantzukizunetik libratzeko ordaindutako kantitatetik”

59. artikuluan xedatutakoa gorabehera, Nafarroako Zerga Ogasunak ordainketa atzeratu egingen du, baldin eta subjektu pasiboak ez baditu bere tributu-betebeharrak egunean; hain zuzen ere, betebeharrak bete arte atzeratuko du ordainketa.

Ez da berandutza-interesik sortuko subjektu pasiboak Nafarroako Zerga Ogasunarekiko betebeharrak egunean eduki ez dituen epeetan. Era berean, ordainketa-prozeduran subjektu pasiboari egotz dakizkiokeen gainerako atzerapen guztiak ez dira kontuan hartuko berandutza-interesen sortzapen-epea kontatzeko orduan”

Hogeita bat. 158.3. artikulua.

“3. Jarritako erreklamazioa onartzearen ondorioz lehen sartutako dirua itzuli behar baldin bada, interesatuak eskubidea izanen du diru-sarrera egin zuen egunetik sorturiko berandutza interesak eskuratzeko.

59. artikuluan xedatutakoa gorabehera, Nafarroako Zerga Ogasunak ordainketa atzeratu egingen du, baldin eta subjektu pasiboak ez baditu bere tributu-betebeharrak egunean; hain zuzen ere, betebeharrak bete arte atzeratuko du ordainketa.

Ez da berandutza-interesik sortuko subjektu pasiboak Nafarroako Zerga Ogasunarekiko betebeharrak egunean eduki ez dituen epeetan. Era berean, ordainketa-prozeduran subjektu pasiboari egotz dakizkiokeen gainerako atzerapen guztiak ez dira kontuan hartuko berandutza-interesen sortzapen-epea kontatzeko orduan”

Hogeita bi. Hemezortzigarren xedapen gehigarriko 1.c) eta 2.c) idatz-zatiak:

“1.c) Atzerrian diren ondasun higigarriak eta higiezinak edo ondasun higigarrien eta higiezinaren gaineko eskubideei buruzko informazioa, haien titularrak direlako”

“2.c) Atzerrian diren ondasun higiezinak eta ondasun higigarrien eta higiezinaren gaineko eskubideei buruz informatu beharra betetzen ez den kasuan, 5.000 euroko isun finkoa izanen da zehapena, aitortzearen agertu beharreko ondasun higigarri edo higiezin bati berari edo ondasun higigarri edo higiezin baten gaineko eskubide bati berari buruzko datu edo datu-multzo bakoitzeko, baita modu ez osoan, zehaztu gabe edo faltsututa agertuta ere; gutxienez, 10.000 euro izanen dira.

Zehapena 100 eurokoa izanen da ondasun higigarri edo higiezin bati berari edo ondasun higigarri edo higiezin baten gaineko eskubide bati berari buruzko datu edo datu-multzo bakoitzeko,

eta gutxienez ere 1.500 eurokoa, aitorpena epetik kanpo aurkeztu bada Zerga Administrazioak errekerimendurik egin gabe. Modu berean, aitorpena baliabide elektroniko, informatiko eta telematikoez bestelako moduz aurkeztea zehatuko da, baliabide horien bitartez egiteko betebeharra dagoenean.”

Hogeita hiru. Hemeretzigarren xedapen gehigarria eranstea.

“Hemeretzigarren xedapen gehigarria. Ondarea ikertzeko eskumenak, Ogasun Publikoaren aurkako delitu auzietan.

Ogasun Publikoaren aurkako delitu auzietan, eta Polizia Judizialaren unitateei dagozkien ahalmenak galarazi gabe, Nafarroako Zerga Ogasuneko diru-bilketaren organoek izanen dute eskumena, agintari judizialak gainbegiratuta, delituari atxikitako diru-kopuruak ordaintzeko izan litekeen ondarea ikertzeko.

Ondorio horietarako, 103., 104. eta 123. artikuluetan aurreikusitako ahalmenak erabiltzen ahalko dituzte, baita delituari lotutako pertsonen ondare egoerari buruzko txostenak egin eta 118. artikuluko 7. idatz-zatian aurreikusitako kautelazko neurriak hartu ere.

Jarduketa horien eta horietan izandako gorabehera eta emaitzen berri emanen zaio berehala zigor arloko epaileari, eta horrek ebaztuko du hartutako neurriak berretsi, aldatu edo kendu behar diren.

Egiten diren jarduketak lege honetan eta bere garapeneko araudian aurreikusitakoaren menpe jarriko dira, epaileak beste jarduketa batzuk egitea erabakitzea galarazi gabe, Prozedura Kriminalaren Legearen 989. artikuluan aurreikusitakoaren babesean”.

Bigarren artikulua. Nafarroako Foru Komunitateko Diru-bilketaren Erregelamendua.

2013ko urtarrilaren 1etik aurrerako ondorioekin, 4. idatz-zatia eransten zaio Nafarroako Foru Komunitateko Diru-bilketari buruzko Erregelamenduari (uztailaren 2ko 177/2001 Foru Dekretuak onetsia) 48 artikuluari:

“4. Aurreko 2. idatz-zatian ezarritakoa galarazi gabe, tributudunaren konkurtsoaren kasuan, ezin izanen dira geroratu, ezta zatikatu ere, konkurtsoei buruzko legeriaren arabera masaren aurkako kredituztat jotako zerga zorrak”.

Hirugarren artikulua. Pertsona Fisikoen Errentaren gaineko Zergari buruzko Foru Legea.

2013ko urtarrilaren 1etik aurrerako ondorioekin, Pertsona Fisikoen Errentaren gaineko Zergari

buruzko Foru Legearen Testu Bateginaren 44. artikulua ondotik ematen den testua izanen du. Testu Bategina ekainaren 2ko 4/2008 Legegintzako Foru Dekretuaren bidez onetsi zen.

“44. artikulua. Justifikatu gabeko gehikuntzak.

“Zergadunak aitortutako errenta edo ondarea rekin bat ez datozen ondasun edo eskubideak izatea, aitortzea edo eskuratzea justifikatu gabeko ondare gehikuntzat joko da, baita ez dagoen zorrak zerga honen nahiz ondarearen gaineko zergaren edozein aitorpenetan sartzea ere, edo horrelakoak erregistro ofizialetako liburuetan erregistratzea.

Zer zergalditan deskubritu, haren likidazio oinarri orokorrean sartuko dira justifikatu gabeko ondare gehikuntzak, salbu eta subjektu pasiboak behar adina frogatzen badu ondasun eta eskubideen titularrak zela preskripzio epea baino lehenagotik.

Betiere, justifikatu gabeko ondare gehikuntzat joko dira, eta erregulariza daitekeen preskribatu gabeko zergaldi zaharreneko likidazio oinarri orokorrean sartuko dira, ondasun edo eskubideak izatea, aitortzea edo eskuratzea, baldin eta titularrak horiei buruz informatzeko duen betebeharra, Tributuei buruzko abenduaren 14ko 13/2000 Foru Lege Orokorraren hemezortzigarren xedapen gehigarrian aipatzen dena, ez badu bete horretarako duen epean.

Hala ere, aurreko lerrokadan aurreikusitakoa ez da aplikatuko, baldin eta subjektu pasiboak egiaztatzen badu ondasunen edo eskubideen titulartasuna bat datorrela deklaraturako errentekin, edota beste zergaldi batzuetan lortutako errentekin, beste zergaldi horietan ez baldin bazeukan zerga horren edo sozietateen gaineko zergaren subjektu pasibo izaerarik Espainiako lurraldean”.

Laugarren artikulua. Sozietateen gaineko Zergari buruzko Foru Legea.

2006ko urtarrilaren 1etik aurrera hasten diren zergaldietan, Sozietateen gaineko zergari buruzko abenduaren 30eko 24/1996 Foru Legearen arau hauek honako testua izanen dute:

Bat. 9. artikuluari 5. idatz-zatia gehitzea.

“5. Ondare-elementu horiek, betiere, aitortu gabeko errenten kargura eskuratutzat joko dira, eta erregulariza daitekeen preskribatu gabeko zergaldi zaharrenari egotziko zaizkio, baldin eta subjektu pasiboak horiei buruz informatzeko duen betebeharra, Tributuei buruzko abenduaren 14ko 13/2000 Foru Lege Orokorraren hemezortzigarren xedapen gehigarrian aipatzen dena, ez badu bete horretarako duen epean.

Hala ere, idatz-zati honetan aurreikusitakoa ez da aplikatuko, baldin eta subjektu pasiboak egiaztatzen badu bera titular den ondasunak edo esku-bideak eskuratuak izan direla deklaraturako errenten kargura, edota beste zergaldi batzuetan lortutako errenten kargura, beste zergaldi horietan ez baldin bazeukan zerga horren edo pertsona fisikoen errentaren gaineko zergaren subjektu pasibo izaerarik Espainiako lurraldean”

Bi. 24.1. artikuluar letra bat gehitzen zaio; h) letra, hain zuzen ere:

“h) Hartzaile bakoitzeko milioi bat eurotik gorako gastuak, zergaldi bat baino gehiagotan ordainduta ere, lan harremanaren –arrunta edo berezia– iraungitzetik edo Pertsona Fisikoen Errentaren gaineko Zergari buruzko Foru Legeko 14.2 c) artikuluan aipatzen den merkataritzako harremanetik edo horietatik bietatik eratorriak badira. Ondorio horietarako, kontuan hartuko dira sozietate talde bereko kide diren beste entitate batzuek ordaindutako zenbatekoak, Merkataritza Kodeko 42. artikuluan aurreikusitako baldintzak betetzen badituzte.”

Hiru. 78.1. artikulua.

“1. Zerga honen subjektu pasiboek beren kontabilitateaz Merkataritza Kodean aurreikusirikoaren edo beren arauetan ezarritakoaren arabera arduratu beharko dute.

X. tituluko XII. kapituluak aipagai dituen subjektu pasiboek, edonola ere, kontabilitatea eramanen dute halako moduz non identifikatzeko modua egonen den zein diru-sarrerara eta gastu dagozkien salbuetsi gabeko errenta eta ustiapen ekonomiko-
e”

Lau. 80.3. artikulua.

“3. X. tituluko XII. kapituluak aipatzen dituen subjektu pasiboak beren errenta guztiak deklaratzera behartuta egonen dira, errenta salbuetsiak nahiz salbuetsigabeak.

Edozein modutan, subjektu pasibo horiek ez dute deklaraziorik aurkeztu beharko ondoko bi baldintzak betetzen direnean:

a) Beren diru-sarrerak, urtean, ez badira 100.000 euro baino gehiagokoak.

b) Errenta salbuetsigabeei dagozkienak izaki atxikipenik behar ez duten diru-sarrerak, ez izatea, urtean, 25.000 euro baino gehiagokoak”

Bost. Berrogeita bosgarren xedapen iragankorra gehitzea.

“Berrogeita bosgarren xedapen iragankorra. Berrinbertsioagatiko salbuespenari dagokionez, inbertsioa gauzatzeko epea luzatzea.

36. artikuluan ezarritakoaren ondorioetarako, berrinbertsioa egiteko epea 2013an zehar amaitzen den kasuetan, subjektu pasiboek berrinbertsio hori 2014ko urtarrilaren 1a baino lehen gauzatu ahalko dute”

Sei. Berrogeita seigarren xedapen iragankorra gehitzea.

“Berrogeita seigarren xedapen iragankorra. Lan- edo merkataritza-harremanak amaitu izanaren ondoriozko gastu ez-kengarriak.

24.1.h) artikuluan ezarritakoa ez zaie aplikatuko 2013ko urtarrilaren 1a baino lehen amaitutako lan- edo merkataritza-harremanen ondoriozko gastuak direnei”

Bosgarren artikulua. Fundazioen eta Babes Jardueren Tributu Araubidea erregulatzen duen uztailaren 2ko 10/1996 Foru Legearen hurrengo artikulua aldatzen dira:

Bat. 9.3. artikulua.

“3. Fundazioak lau urteko epea du, 1. idatz-zatiak aipatzen duen proportzioan, lortutako errenten helburua gauzatzeko”

Bi. 9.5. artikulua. Bigarren lerrokada.

“Beste alde batetik, 3. idatz-zatian aurreikusten den lau urteko epea luzatzen ahal da errenten helburua egokitzen zaionean fundazioak prestatuturiko eta Ekonomia eta Ogasun Departamentuak onartuturiko plan bati”

Hiru. 11.1. artikulua.

“1. Foru lege honetako tributu araubideari atxikitzen zaizkion fundazioei derrigorrez aplikatuko zaizkie Kontabilitate Plan Orokorra irabazi asmorik gabeko entitateei egokitzeko arauak, Nafarroako Foru Komunitateak ezar ditzakeen espezialitateak gorabehera.

Sozietateen gaineko zergan salbuetsi gabe dauden ustiatetik errentak lortzen dituzten fundazioek Merkataritza Kodean eta zerga horren arau erregulatuazaleetan aurreikusitako kontabilitate-betebeharrak izanen dituzte. Entitate horien kontabilitatea eramanen da halako moduz non modua egonen den identifikatzeko zein diru-sarrerara eta gastu dagozkien salbuetsi gabeko ustiategiei”

Lau. 11.4. artikulua.

“4. Aurreko 2. eta 3. idatz-zatiek aipatzen dituzten agiriak Nafarroako Zerga Ogasunean aurkeztuko dira hurrengo ekitaldiko lehen sei hilabetetan, salbu eta egoera-balantzea eta emaitza-kontua, horiek sozietateen gaineko zergari dagokion aitortpenean aurkeztuko baitira”

Bost. 11. artikuluari 7. idatz-zatia gehitzea.

“7. Aurreko 2., 3. eta 6. zenbakietan aipatzen diren dokumentuak Ekonomia, Ogasun, Industria eta Enpleguko kontseilariak ezartzen duen moduan eta tokian aurkeztuko dira, eta hark erabakiko du zer prozedura erabili eta zer baldintzatan aurkeztu, baita baliabide informatiko edo telematik bitartez aurkeztu behar diren edo ez”

Seigarren artikulua. Iruzurraren eta ezkutuko ekonomiaren aurkako borrokaren jarraipen eta ebaluazioa egiteko Lan Batzorde Iraunkorra.

Foru lege hau onetsi eta hiru hilabeteko epean, iruzurraren eta ezkutuko ekonomiaren aurkako borrokaren jarraipen eta ebaluazioa egiteko Lan Batzorde Iraunkorra eratuko da. Batzorde hori osatuko dute Nafarroako Gobernuko ordezkari batek, parlamentu-talde bakoitzeko ordezkari batek, Nafarroan ordezkari handiena duten gutxienez lau sindikatu eta ordezkariak eta beste entitate sozioekonomikoko ordezkariak, eta haren xedea izanen da arlo horretako jarduketak aztertzea, proposamenak egitea eta iruzur fiskalaren aurka borroka egiteko diseinatzen diren jarduketak planen eta neurrien jarraipena egitea.

Aipatu Batzorde Iraunkorra hiru hilabete behin bilduko da, gutxienez.

Zazpigarren artikulua. Beharrezkoa den gehiengo amnistia fiskala dakarten neurriak onesteko.

Aitortu gabeko errentak edo ondareak azalertzeko xedearekin, denbora labur batez horiei loturiko kostu fiskala ezabatu edo murrizten duen edozein neurri onesteko, beharrezkoa izanen da Nafarroako Parlamentuan emandako bozen gehiengo absolutua izatea.

Lehen xedapen gehigarria. Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen lehenengo xedapen gehigarriko 3. idatz-zatiko lehen lerrokada aldatzea.

“3. 2012ko abenduaren 28an ixten den lehen balantzean jasotzen diren elementu eguneratzeko moduko gainean eguneratuko dira balioak, edo 2012ko abenduaren 31n erregistro liburuetan jasotzen diren gainean, pertsona fisikoaren errentaren gaineko zergaren subjektu pasiboaren kasuan, zerga horrek behartzen baditu erregistro liburu horiek eramatera, betiere zerga aldetik guztiz amortizaturik ez badaude. Horretarako, izaera horrekin egin behar izan ziren amortizazioak hartuko dira gutxienez”

Bigarren xedapen gehigarria. Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen 3. artikuluko Lau atalak eragina zein egunetatik aurrera izanen duen aldatzea.

“Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen 3. artikuluko Lau idatz-zatiak 2012ko azaroaren 15etik aurrera gertatzen diren zergapeko egitateetan izanen du eragina”

Hirugarren xedapen gehigarria. Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen lehenengo xedapen gehigarriko 5. idatz-zatiko eguneratze-koefizienteen taula aldatzea.

Ondoko taula hau izanen da Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen lehenengo xedapen gehigarriko 5. idatz-zatiko eguneratze-koefizienteen taularen ordezkaria:

“1983 eta aurrekoak	2,422
1984	2,194
1985	2,047
1986	1,947
1987	1,886
1988	1,809
1989	1,720
1990	1,651
1991	1,593
1992	1,540
1993	1,478
1994	1,421
1995	1,351
1996	1,287
1997	1,255
1998	1,241
1999	1,233
2000	1,228
2001	1,202
2002	1,189
2003	1,170
2004	1,158
2005	1,144
2006	1,122
2007	1,097
2008	1,063
2009	1,040
2010	1,028
2011	1,028
2012	1,000”

Laugarren xedapen gehigarria. Enplegu publikoaren eskaintza.

Nafarroako Gobernuak, 2013. urtean, enplegu publikoaren eskaintzarako deialdi bat egingen du, ehuneko 20 handitzeko Ogasuneko teknikarien kopurua, behar diren neurriak hartuko ditu hutsik dauden lanpostuak Ogasuneko kudeatzaile eta ikertzaile laguntzaileen lanpostu bihurtzeko eta lanpostu horiek betetzeko, eta, halaber, behar diren xedapenak emanen ditu Nafarroako Zerga Ogasuneko langileen ordezkapenari begira, hala-ko moduz non ziurtatuta egonen den zerga-iruzurraren aurkako borroka eraginkorra izatea.

Bosgarren xedapen gehigarria. Tributu-betebeharren betetzean kontzientziatu eta hezi.

Nafarroako Gobernuak, foru lege hau onetsi eta sei hilabeteko epean, hezkuntza-, informazio- eta komunikazio-estrategia bat garatuko du, herritarrak kontzientziatu eta erantzukizunean eta tributu-betebeharren betetzean hezteko.

Estrategia horretan zehazturiko helburuen betetze-maila urtero baloratu eta berrikusiko da, eta, horretarako, dagokion jarraipen txostena aurkeztuko da Nafarroako Parlamentuan.

Seigarren xedapen gehigarria. Iruzur fiskalaren aurka borrokatzeko plana.

Zenbait zerga aldatu eta beste tributu-neurri batzuk hartzeari buruzko abenduaren 26ko 21/2012 Foru Legearen seigarren xedapen gehigarrian aurreikusten den azterlana aurkezten denetik hiru hilabeteko epean, Nafarroako Gobernuak iruzur fiskalaren aurka borrokatzeko lau urteko plan edo estrategia bat prestatu eta Nafarroako Parlamentuari aurkeztuko dio. Plan hori urtero eguneratuko da, une bakoitzean dagoen informazioaren arabera, eta ondoko alderdi hauek jasoko ditu, gutxienez:

a) Helburu zehatz eta neurgarriak, taxututako estrategiaren ebaluazio eraginkor bati ekin ahal izateko.

b) Helburu horiek betetzeko, iruzur fiskala detektatzea eta egiazki pertsegitzea sustatzeko eta jarduketak benetan gauzatzen direla ziurtatzeko beharrezkoak diren giza baliabideak eta baliabide ekonomiko eta materialak.

c) Ezkutuko ekonomiaren gaineko berariazko neurriak.

d) Kenkarien, salbuespenen, diru-laguntzen eta bestelako hobari fiskalen aplikazioaren jarraipena egiteko eta egiazkoa eta zuzena dela kontrolatzeko programa bat.

e) Etengabeko jarraipena eta lortutako emaitzen urteko ebaluazioa, lortu nahi diren helburuekin alderatuta, estrategiaren eraginkortasuna eta errentagarritasun ekonomiko-soziala ezartze aldera. Ebaluazio hori ere Nafarroako Parlamentuan aurkeztuko da.

Zazpigarren xedapen gehigarria. Egiaztatze-programa orokorra.

Foru Legea indarrean sartu eta hiru hilabeteko epean, Nafarroako Gobernuak egiaztatze-programa orokor bat ezarriko du erregelamenduz, beren jarduerak azken kontsumitzaileei zuzendutuzten enpresaburu, profesional eta merkataritzako sozietateei buruzkoa, hain zuzen ere deklaratzeko dituzten diru-sarrerren eta deklaratzeko dituzten erosketen arteko aldea marjina baten azpitik daukatenei buruzkoa.

Xedapen iragankor bakarra. Pertsona fisikoen errentaren gaineko zergaren estimazio objektiboko araubidea eta balio erantsiaren gaineko zergaren araubide berezi sinplifikatua, 2014 urteari dagozkion zergaldietarako.

"1. Pertsona fisikoen errentaren gaineko zergaren estimazio objektiboko araubidea eta balio erantsiaren gaineko zergaren araubide berezi sinplifikatua ez zaie aplikatuko 2013ko zergaldian araubide horien menpe egoterik izan ez duten jarduera ekonomikoei (ekonomia-jardueren gaineko zergako jarduera-multzoiei).

2. Gainera, araubide horiek ez dira aplikatuko zirkunstantzia hauetakoren bat gertatzen bada:

a) Otsailaren 7ko 41/2013 Foru Aginduaren 3.1.1.a) artikuluan jasotako jardueretan, diru-sarrerren bolumena –aipatu foru aginduan ezarritakoari jarraikiz zehaztua– 200.000 eurotik gorakoa izatea jardueren multzorako.

b) Aipatutako 41/2013 Foru Aginduaren 3.1.1.b) artikuluan jasotako gainerako jardueretan, diru-sarrerren bolumena –aipatu foru aginduan ezarritakoari jarraikiz zehaztua– 100.000 eurotik gorakoa izatea jardueren multzorako.

c) Aipatu foru aginduaren 3.1.2. artikulua aipatzen dituen enplegatuen kopurua –foru agindu horretan ezarritakoari jarraikiz kalkulatuta– bi baino handiagoa izatea”

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra, legean berean aurreikusitako ondorioekin.

B saila:
FORU LEGE PROPOSAMENAK

Foru Legea, Nafarroan Merkataritza arautzen duen uztailaren 12ko 17/2001 Foru Legearen zenbait artikulua aldatzen dituen.

OSOKO BILKURAK ONETSIA

Nafarroako Parlamentuak, 2013ko apirilaren 11n egindako Osoko Bilkuran, Nafarroan Merkataritza arautzen duen uztailaren 12ko 17/2001 Foru Legearen zenbait artikulua aldatzen dituen Foru Legea onetsi zuen.

Legebiltzarreko Erregelamenduko 146. artikuluan ezarritakoa betez, argitara dadin agindu da.

Iruñean, 2013ko apirilaren 15ean

Lehendakaria: Alberto Catalán Higuera

Foru Legea, Nafarroan Merkataritza arautzen duen uztailaren 12ko 17/2001 Foru Legearen zenbait artikulua aldatzen dituen

ZIOEN AZALPENA

Aurrekontu-egonkortasuna Bermatzeko eta Lehiakortasuna Bultzatzeko Neurriei buruzko uztailaren 13ko 20/2012 Errege Lege-dekretuak aldatu egin zituen Merkataritza-ordutegiari buruzko abenduaren 21eko 1/2004 Legearen zenbait agindu; hain zuzen ere, batetik, lanegunetako ordutegi orokorra zabalagoa egin zuen, eta, bestetik, handitu egin zuen saltokiek beren jardueran aritu ahal izateko igande eta jaiegunen kopuru gutxienekoa.

Aldaketa horien ondorioz, egokitu beharra dago gai horri buruzko foru legedi indarduna, hau da, Nafarroan Merkataritza arautzen duen uztailaren 12ko 17/2001 Foru Legea, kontuan hartuta, egokitzapen horretarako, zer akordio iritsi dituzten sektoreko ordezkariak.

1. artikulua. Nafarroan Merkataritza arautzen duen uztailaren 12ko 17/2001 Foru Legearen 32. artikulua aldatzen da, eta testu berri hau izanen du aurrerantzean:

“32. artikulua. Lanegunetako ordutegia.

Merkataritza-establezimenduak lanegunetan irekitzeko eta ixteko ordutegia, zeinak egunean gehienez ere hamabost orduko lanaldia ezarriko baitu, merkataritza bakoitzak libreaki hautatuko du, betiere lan-araubidean langileei aitorturiko eskubiak ezertan kaltetu gabe.

Saltokiek asteko lanegunetan beren jardueran aritu ahal izateko izanen duten ordutegi orokorrak ezin izanen du laurogeita hamar orduko kopurua gainditi, eta lan arautegiari lotuko zaio?”

2. artikulua. Nafarroan Merkataritza arautzen duen uztailaren 12ko 17/2001 Foru Legearen 33. artikulua aldatzen da, eta testu berri hau izanen du aurrerantzean:

“33. artikulua. Igande eta jaiegunetan irekitzea.

1. Igandeak eta jaiegunak ez dira egun baliodunak izanen Nafarroako Foru Komunitatean merkataritza-jardueran aritzeko, berariaz baimendutakoak izan ezik.

2. Merkataritzaren arloan eskumenak dituen departamentuak, azaroaren 1a baino lehenago, Nafarroako Merkataritzaren Kontseiluari entzun ondoren, hurrengo urteko egutegia ezarriko du, horren barne direla egun balioduntzat hartuko diren igandeak eta jaiegunak. Hamar izanen dira egun balioduntzat joko diren igande eta jaiegunak.

Hauek izanen dira aplikatuko diren irizpideak:

a) Hilabetean gehienez ere egun bat joko da balioduntzat, salbu eta abenduan, zeinean bi ezartzen ahalko baitira.

b) Urtean gehienez ere bi igande hartuko dira balioduntzat. Igandeok ezin izanen dira inola ere elkarren segidakoak izan.

3. Eskuduna den departamentuak egutegi hori aldatzeko aukera izanen du, baldin eta aldatzeko eskari arrazoitua jasotzen badu. Udalek, aldatetarako

egin nahi badituzte beren udalerrietarako, bi hilabeteko aurrerapenarekin egin beharko dituzte eskariak.

4. Merkataritza-establezimenduak igande eta jaiegun baimenduetan irekitzeko eta ixteko ordutegia, zeina gehienez ere hamabost ordukoa izanen baita, merkatarari bakoitzak libreki hautatuko du, betiere lan-araubidean langileei aitorturiko eskubiak ezertan kaltetu gabe.”

3. artikulua. Nafarroan Merkataritza arautzen duen uztailaren 12ko 17/2001 Foru Legearen 46. artikuluko 2. idatz-zatia aldatzen da, eta testu berri hau izanen du aurrerantzean:

“2. Merkealdiko salmenta merkataria irezpidetaren arabera finkatuko da, eta hark libreki erabakiko du haren iraupena, honako parametroei erreparatuta:

a) Merkealdiak urtean bi denboralditan egin ahalko dira; bata urte hasieran eta bestea udan, usadio eta ohiturei eta salmenta handieneko epeei jarraikiz.

b) Merkealdi horiek gutxienez astebete eta gehienez bi hilabete iraunen dute.

c) Denboraldi bakoitzaren hasierako eta amaierako datak foru aginduz finkatuko ditu departamentu eskudunaren kontseilariak.

d) Merkatarari bakoitzak foru aginduko irizpideei jarraikiz hautatzen dituen merkealdi egunak saltoki bakoitzaren kanpoaldean adierazi beharko dira, saltokia itxita dagoenean ere jendeak ikusteko moduan.”

Lehen xedapen gehigarria. Nafarroako Txikizkako Merkataritzaren Behatoki Aholku-emailea.

Foru lege honek indarra hartzen duenetik, Nafarroako Txikizkako Merkataritzaren Behatoki Aholku-emaileak Nafarroako Merkataritzaren Kontseilua izena hartuko du.

Bigarren xedapen gehigarria. Nafarroako Foru Komunitateko Administrazioako departamentuen aipamenak.

Ulertuko da merkataritzaren arloko eskumenak dituen departamentuari dagozkiola Nafarroako Foru Komunitateko Administrazioako departamentuen aipamenak, Nafarroako Merkataritza arautzen duen uztailaren 12ko 17/2001 Foru Legeko 36.2 artikuluan eta bosgarren xedapen gehigarrian jasotakoak.

Xedapen indargabetzaile bakarra. Arau-indargabetzea.

Indargabetu egin dira foru lege honetan xedatutakoaren kontrakoak diren maila bereko edo apalagoko xedapen guztiak.

Azken xedapenetan lehena. Erregelamendurak emateko ahalmena.

Nafarroako Gobernuari ahalmena ematen zaio foru lege hau garatu eta betearazteko beharrezkoak diren erregelamenduzko xedapen guztiak emateko.

Azken xedapenetan bigarrena. Indarra hartzea.

Foru lege honek Nafarroako Aldizkari Ofizialean argitara eman eta biharamunean hartuko du indarra.

Foru Legea, Nafarroako Ogasun Publikoari buruzko apirilaren 4ko 13/2007 Foru Legearen 130. artikulua aldatzen duena.

OSOKO BILKURAK ONETSIA

Nafarroako Parlamentuak, 2013ko apirilaren 11n egindako Osoko Bilkuran, Nafarroako Ogasun Publikoari buruzko apirilaren 4ko 13/2007 Foru Legearen 130. artikulua aldatzen duen Foru Legea onetsi zuen.

Legebiltzarreko Erregelamenduko 146. artikuluan ezarritakoa betez, argitara dadin agindu da.

Iruñean, 2013ko apirilaren 15ean

Lehendakaria: Alberto Catalán Higuera

Foru Legea, Nafarroako Ogasun Publikoari buruzko apirilaren 4ko 13/2007 Foru Legearen 130. artikulua aldatzen duena

ZIOEN AZALPENA

Nafarroako Parlamentuko Erregelamenduak 157. artikuluan ezartzen du Kontu Orokorreari buruzko Foru Lege proiektua jaso ondoren Kontuen Ganberari igorriko diola Mahaiak bere lehendakariaren bitartez, horiek ikertu eta azter ditzan.

Nafarroako Ogasun Publikoari buruzko apirilaren 4ko 13/2007 Foru Legeak xedatzen du Nafarroako Gobernuak onetsiko duela Kontu Orokorreari buruzko Foru Lege proiektua, eta urtean urteko irailaren 15a baino lehen Nafarroako Parlamentura igorriko duela.

Kontuen Ganberak gomendatzen du, 2011ko kontu orokorreari buruz egindako txostenean,

Gobernuak aurreratu egin beharko lukeela araudiak aurreikusten duen data Nafarroako Kontu Orokorreari buruzko Foru Lege proiektua Parlamentura igortzeko, irailaren 15a, "eskuragarri dauden baliabide teknikoak ikusita eta itxitako ekitaldiari buruzko informazio finantzarioa ahal bezain laster eskuratzeko premia dela eta." Gure ustez, eta kontuan hartuta enpresen eta fundazioen sektore publikoaren lege-baldintzapenak, ekaina izan liteke horretarako une aproposa.

Artikulu bakarra.

Nafarroako Ogasun Publikoari buruzko apirilaren 4ko 13/2007 Foru Legearen 130. artikulua aldatzen da. Honako testua izanen du:

"130. artikulua

1. Nafarroako Parlamentuari dagokio Nafarroako Aurrekontu Orokorrak onestea, foru lege baten bidez.

2. Aurreko idatz-zatian aipatzen diren ondorio-etarako, Nafarroako Gobernuak, Ekonomia eta Ogasun Departamentuak proposaturik, kasuan kasuko foru lege proiektua onetsi eta urtean urteko uztailearen 1a baino lehen igorriko du Nafarroako Parlamentura".

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra, legean berean aurreikusitako ondorioekin.

Eskubide Sozialen Gutun baterako Foru Lege proposamena.

OSOKO BILKURAK AINTZAT HARTUA

Legebiltzarrak, 2013ko apirilaren 11n egindako Osoko Bilkuran, erabaki zuen Eskubide Sozialen Gutun baterako Foru Lege proposamena aintzat hartzea. Proposamen hori Bildu-Nafarroa, Aralar-Nafarroa Bai eta Ezkerreko Alderdiak parlamentu-taldeek eta atxiki gabeko foru parlamentari Manu Ayerdi Olaizola eta Patxi Leuza García jaunek aur-

keztu zuten, eta 2013ko otsailaren 26ko 22. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

Foru Lege proposamena, Kontseilu Ekonomiko eta Sozialari buruzko martxoaren 9ko 2/2006 Foru Legea aldatzen duena.

OSOKO BILKURAK AINTZAT HARTUA

Legebiltzarrak, 2013ko apirilaren 11n egindako Osoko Bilkuran, erabaki zuen Kontseilu Ekonomiko eta Sozialari buruzko martxoaren 9ko 2/2006 Foru Legea aldatzen duen Foru Lege proposamena aintzat hartzea. Proposamen hori Sozialistak de Navarra parlamentu-taldeak aurkeztu zuten, eta

2013ko otsailaren 25eko 21. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

E saila:
JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da bete ditzan Hizkuntza Gutxituen Europako Adituen Batzordeak eginiko gomendioak.

OSOKO BILKURAK ONETSIA

Nafarroako Parlamentuko Osoko Bilkurak, 2013ko apirilaren 11n egindako bileran, ondoko erabakia onetsi zuen: “Erabakia. Horren bidez, Nafarroako Gobernua premiatzen da bete ditzan Hizkuntza Gutxituen Europako Adituen Batzordeak eginiko gomendioak”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroa-

ko Parlamentuko Aldizkari Ofizialean argitara dadin agindu dut. Honakoa du testua:

“Nafarroako Parlamentuak Nafarroako Gobernua premiatzen du Hizkuntza Gutxituen Europako Adituen Batzordearen gomendioak bete ditzan eta Euskalerrria Irratiari lizentzia bat ziurta diezaion.”

Iruñean, 2013ko apirilaren 15ean

Lehendakaria: Alberto Catalán Higuera

Erabakia. Horren bidez, Nafarroako Gobernua premiatzen da jarrera positiboagoa eta proaktiboagoa har dezan euskara hedabideetan sustatzeari dagokionez.

OSOKO BILKURAK ONETSIA

Nafarroako Parlamentuko Osoko Bilkurak, 2013ko apirilaren 11n egindako bileran, ondoko erabakia onetsi zuen: “Erabakia. Horren bidez, Nafarroako Gobernua premiatzen da jarrera positiboagoa eta proaktiboagoa har dezan euskara hedabideetan sustatzeari dagokionez”.

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut. Honakoa du testua:

“1. Nafarroako Parlamentuak Nafarroako Gobernua premiatzen du jarrera positiboagoa eta proaktiboagoa har dezan euskara hedabideetan sustatzeari dagokionez, halako moduan non euskara hutsezko irrati-emisioa erraztuko baitu.

2. Nafarroako Parlamentuak Nafarroako Gobernua premiatzen du orain arte izan duen jarrera berrazter dezan, Euskalerrria Irratiarentzako

lizentzia bat emateari dagokionez, haren borondatearen kontrako irregulartasun-egoera konpontze aldera.

3. Nafarroako Parlamentuak Nafarroako Gobernua premiatzen du azterketa bat egin dezan, hiru hilabeteko epean, ezagutze aldera bete gabe gelditu ahal izan diren komunikazio-premiak, 2013ko urtarrilaren 29an ezagututako adjudikazioaren ondoren.

4. Nafarroako Parlamentuak Nafarroako Gobernua premiatzen du Industria, Energia eta Turismo Ministerioari eska diezaion lizentzia-eskuragarrien kopurua handitzea, gai honetako premiak betetzeko eta, hartara, aniztasuna bermatzeko; bereziki, hizkuntza-aniztasuna”.

Iruñean, 2013ko apirilaren 15ean

Lehendakaria: Alberto Catalán Higuera

Erabakia. Horren bidez, Nafarroako Gobernua premiatzen da bere gain har ditzan eremu ez-euskalduneko herrietan bizi diren eta Nafarroako beste herri batzuetan D ereduan eskolatuta dauden ikasleen garraio eta jantoki gastuak.

OSOKO BILKURAK ONETSIA

Nafarroako Parlamentuko Osoko Bilkurak, 2013ko apirilaren 12an egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da bere gain har ditzan eremu ez-euskalduneko herrietan bizi diren eta Nafarroako beste herri batzuetan D ereduan eskolatuta dauden ikasleen garraio eta jantoki gastuak".

Legebiltzarreko Erregelamenduko 114. artikuluan ezarritakoa betez, aipatu erabakia Nafarroa-

ko Parlamentuko Aldizkari Ofizialean argitara dadin agindu dut. Honakoa du testua:

"Nafarroako Parlamentuak Nafarroako Gobernua premiatzen du bere gain har ditzan eremu ez-euskalduneko herrietan bizi diren eta Nafarroako beste herri batzuetan D ereduan eskolatuta dauden ikasleen garraio eta jantoki gastuak".

Iruñean, 2013ko apirilaren 15ean

Lehendakaria: Alberto Catalán Higuera

Erabakia. Horren bidez, Nafarroako Parlamentuak Nafarroak egun sortua daukan Babes Zibilerako sistemarekiko aldeketasuna adierazten du.

OSOKO BILKURAK ONETSIA

Nafarroako Parlamentuko Osoko Bilkurak, 2013ko apirilaren 12an egindako bileran, ondoko erabakia onetsi zuen: "Erabakia. Horren bidez, Nafarroako Parlamentuak Nafarroak egun sortua daukan Babes Zibilerako sistemarekiko aldeketasuna adierazten du".

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut. Honakoa du testua:

"1. Nafarroako Parlamentuak Nafarroak egun sortua daukan Babes Zibilerako sistemarekiko aldeketasuna adierazten du.

2. Nafarroako Parlamentuak Nafarroako Gobernua premiatzen du pertsonen, haien ondatsunen eta gure erkidegoko natur ondarearen segurtasun integrala bermatzen jarrai dezan, utzi ezineko zerbitzu publiko gisa.

3. Nafarroako Parlamentuak arbuiatu egiten du babes zibilaren esparruan lan egiten ari diren erakunde publiko edo pribatuak uki ditzakeen murrizketa oro, dela ekonomikoa, dela langileen arlokoa".

Iruñean, 2013ko apirilaren 15ean

Lehendakaria: Alberto Catalán Higuera

Erabakia. Horren bidez, Nafarroako Parlamentuak politikoki gaitzesten du Osasuneko kontseilariaren kudeatze-lana.

OSOKO BILKURAK ONETSIA

Nafarroako Parlamentuko Osoko Bilkurak, 2013ko apirilaren 12an egindako bileran, ondoko erabakia onetsi zuen: “Erabakia. Horren bidez, Nafarroako Parlamentuak politikoki gaitzesten du Osasuneko kontseilariaren kudeatze-lana.”

Legebiltzarreko Erregelamenduko 114. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agindu dut. Honakoa du testua:

“Nafarroako Parlamentuak politikoki gaitzesten du Osasuneko kontseilari Vera Janín andrearen kudeatze-lana, Nafarroako Gobernuko Osasun Departamentuan dituen eginkizunei dagokienez.”

Iruñean, 2013ko apirilaren 15ean

Lehendakaria: Alberto Catalán Higuera

Mozioa. Horren bidez, Nafarroako Parlamentuak jotzen du Madrilgo Gobernuak Nafarroan duen ordezkartzaren beharrik ez dagoela gure erkidegoan.

OSOKO BILKURAK BAZTER UTZIA

Nafarroa Bai parlamentu taldeak ondoko mozioa aurkeztu zuen: “Mozioa. Horren bidez, Nafarroako Parlamentuak jotzen du Madrilgo Gobernuak Nafarroan duen ordezkartzaren beharrik ez dagoela gure erkidegoan.”

Legebiltzarrak, 2013ko apirilaren 11n egindako Osoko Bilkuran, erabaki zuen aurkeztutako

mozioa baztertea. Mozio hori 2012ko azaroaren 19ko 97. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

Mozioa. Horren bidez, Nafarroako Gobernua premiatzen da kontakizun-aldaketa batez arduratzeko konpromisoa har dezan, halako moduz non Nafarroako ikasleek beren historia ezagutu ahalko baitute 1512-1530 urteetan egiaz gertatu zena islatzen duten testu liburuen bitartez.

OSOKO BILKURAK BAZTER UTZIA

Bildu Nafarroa eta Nafarroa Bai parlamentu-taldeek ondoko mozioa aurkeztu zuten: “Mozioa. Horren bidez, Nafarroako Gobernua premiatzen da kontakizun-aldaketa batez arduratzeko konpromisoa har dezan, halako moduz non Nafarroako ikasleek beren historia ezagutu ahalko baitute 1512-1530 urteetan egiaz gertatu zena islatzen duten testu liburuen bitartez.”

Legebiltzarrak, 2013ko apirilaren 11n egindako Osoko Bilkuran, erabaki zuen aurkeztutako mozioa baztertea. Mozio hori 2013ko urtarrilaren 14ko 3. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

Mozioa. Horren bidez, Nafarroako Gobernua premiatzen da atzera egin dezan Gizartetik bazterturik dauden pertsonen zuzendutako gizarteratze eta laneratze egitarauak garatzeko laguntza ekonomikoak arautzen dituen apirilaren 26ko 130/1999 Foru Dekretuaren IV. kapitulua indargabetzeko prozesuan.

MOZIOA ERRETIRATZEA

Legebiltzarreko Osoko Bilkurak, 2013ko apirilaren 11n egindako bileran, adierazi zuen jakinaren gainean zegoela Socialistas de Navarra parlamentu-taldeak aurkezturiko mozioa erretiratu izanari dagokionez. Mozio horren bidez Nafarroako Gobernua premiatzen zen atzera egin dezan Gizartetik bazterturik dauden pertsonen zuzendutako gizarteratze eta laneratze egitarauak garatze-

ko laguntza ekonomikoak arautzen dituen apirilaren 26ko 130/1999 Foru Dekretuaren IV. kapitulua indargabetzeko prozesuan. Mozio hori 2013ko urtarrilaren 21eko 7. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

Mozioa. Horren bidez, Nafarroako Parlamentuak Nafarroako Gobernua premiatzen du manten ditzan ingelesa ikasteko bekak Bigarren Hezkuntzako eta Batxilergoko ikasleentzat.

MOZIOA ERRETIRATZEA

Legebiltzarreko Osoko Bilkurak, 2013ko apirilaren 12an egindako bileran, adierazi zuen jakinaren gainean zegoela Amaya Zarranz Errea andreak aurkezturiko mozioa erretiratu izanari dagokionez. Mozio horren bidez Nafarroako Parlamentuak Nafarroako Gobernua premiatzen zuen manten

ditzan ingelesa ikasteko bekak Bigarren Hezkuntzako eta Batxilergoko ikasleentzat. Mozio hori 2013ko otsailaren 25eko 21. Nafarroako Parlamentuko Aldizkari Ofizialean argitaratu zen.

Iruñean, 2013ko apirilaren 15ean

Lehendakaria: Alberto Catalán Higuera

